

I. Hon. St. Dr.

P

1888. XII. 192

Loeaechnus And

1/25

Лоуиза 4744. br.

Biblioteka Jagiellońska



stdr0001144



HEROICA INDOLES,
SIVE GENIVS SOBOLIS CLARISSIMO
MORVM SPECIMINE OPTIMIS PAREN-
TIBVS ÆMVLVS.

ILLVSTR^{MO} ET SEREN^{MO} D.
DOMINO VLADISLAO,
SIGISMVNDI TERTII POLONIÆ
ET SVECIE REGIS FILIO,
POLONIÆ ET SVECIE PRINCIPI,

Honoris Ergò,

AB ANDREA LOBACHIO SCOTO
Dicatus.



2055 I



CRACOVIAE,
In Officina Lazari, Anno Domini,
1605.

Augustissima Nomina,

I.

SIGISMVNDVS TERTIVS POLONIÆ ET
SVECIÆ REX.

II.

ANNA, SIGISMVNDI TERTII POLONIÆ
ET SVECIÆ REGIS CONIVX, POLO-
NIÆ ET SVECIÆ REGINA, ARCHI-
DVX AVSTRIÆ.

III.

VLADISLAVS POLONIÆ ET SVECIÆ
PRINCEPS.

per Anagrammatismos:

I.

O NATE, REGO, DIIS RECTVS VNIS.
VIVE: STA EXEMPLIS.

II.

O ANIMA CARA DEIS, VIRO: OVIS DI-
GNA POLO, SIC (HEI) IACES EGE-
NIS. EN PARCÆ LEX INVENIT, AT
VIRTVS INTEGRÆ EVEXIT.

III.

VALE PATERNA LAVDE: SVI SOLII
SPES CONCIPE.

HEROICA INDOLES
VLADISLAI PRINCIPIS
Poloniæ & Sueciæ.

REGIA progenies, pugnax quam Sarmata quondam
Spe Dominum exoptat (ne desint Numina votis!)
Dent Ambes aurum tibi, queis opulencia ab auro est:
At mea paupertas munus tibi dignius auro
(Quo violata fides, Probitas perijt, pede pressa
Iura Pudicitiae intereunt) dat Nomina Patris,
Nominibus collata tuis (tuus ÆMVLVS illi
Est siquidem GENIVS, MORVM SPECIMEN q; propagat)
Nomina dat Matris, perfectæ exempla magistræ,
Sic Fidei, vt Morum; cuius si imitabere amorem,
Non solum iungere illi, quo gaudet Olympo,
At terris post te nunquam delebile Nomen,
Fati expers linques. Tenebras noctemque subite,
Queis neque Fama pia est cordi, neque carmina curæ.
Vis scelerata auri vos in periuria trudat:
Vos intestatos (quis scit cui congregat?) vnde
Accipiant Stygiæ: incerto genitore creatus
Rem malè partam hæres viles conuertat in vsus,
Indignos neque vos dignetur honore sepulchri.
At quid ego hæc? Equidem cano carmen inutile surdæ
Barbariei; fului clangor recreare metalli

Quam potis est vnus, rapere vnum lumina auari.

Ne morer, Aonium mecum, Phœbe, incipe cantum.

Mæonides cecinit Loti dulcedine captos,

Et patriæ immemores, simul immemoresque parentum:

Tv, Princeps, contrà seros laudabere in annos,

Si memor es Matris: (genitrix vt libera terris,

Sit Cælo meliore sui iam parte potita)

Si pius auxilio vates amplectere, acerbos

Qui tecum gemitus, animi communia signa,

Amisse quos poscit amor, de pectore fundent;

Vulnera qui facient tibi fato inflicta virere.

Sunt, fateor, luctus, est & tibi mæror inanis:

At dolor est (contrà quæ hominum sapientia dictat,

Frigida sunt) iustus, sobolis qui monstrat amorem

In Matrem, qui mente latentia promit ab ore.

Parue Puer, quo magna Polonia gaudet alumno,

ÆMVLVS hic GENIVS, maiorem vbi fecerit ætas,

Esse illis pergat, qui lucis origo fuerunt.

Vividus vt folijs venit ex radicibus humor,

Sic venêre in te Patrij cum sanguine Mores:

Floribus vtque parens tellus alimenta ministrat,

Sic in te viuit Matris Natura pudicæ.

Sceptra tibi restant. VIS? LAVDE merenda PATERNA.

HACCE VALE SOLI, & SOLI SPES CONCEIPE firmas.

Menti assuesce Patris; cui certum in pectore numen

Excubat, EXEMPLISQ; VETA, O GENERIS decus altum,

INIUSTA. O animo DIVS, CRETVSQ; tuendæ

Iusticiæ, qualem vis ipse habuisse Tonantem

In tua

*In tua vota, illis talem te impendito amicum,
Quos Christus fratres, non sanguinis ordo vocauit.*

Finge tibi Patrem tali sermone loquentem:

*Mi, NATE, O SANGUIS, DIIS RECTVS VIVE, meisque
STA (precor) EXEMPLIS! VNIS REGO. Honeſta ſequaces
Alliciunt mentes, metuenda potentia ferri
Quò vix impellit ductus formidine pœnæ.*

*Quicquid ages ſenior, tu ſanctam imitare Parentem
Moribus. Aſcræi cantu celebrata Poetæ,
Virtutum Hâc longè inferior Pandora decore.*

*O orbis meritam factis miſiſſet in oras
Quam Maro laudatam! at tranſactæ haud indiga famæ,
Poſt humiles cineres, alto cumulatur honore,
Viua Deis: dignam claro dignatur amore
Caſtaliꝝ regina chori, haudque ingratus Apollo.
O nunc læta polo! Superi (credo) inuiderunt
Cœleſtem terris: nam voluere Iuppiter aſtra
Pectore dum vidit, raptam, heu, mox intulit aſtris.
Nulli ita mortali longa eſt indulta voluptas.
Diuulſa illa viro, vir (prò) diuulſus ab illa;
At non diuulſæ, retinet quas pectore, curæ:
Cortulit, ab, ſecum, pro corde in pectore vulnus
Hic retinet, nullâ (quamuis Podalyrius herbas
Applicet ipſe omnes) medici medicabile dextrâ.*

*Si Terra exſpectas, vt grandia verba ſonemus,
Fallere: h.æ meritis proſunt communibus artes;
Vt confictæ illis accedant carmine laudes:
Hanc ſua ſed Virtus (nequicquam opulenta beato*

*Ambit humum fortuna sinu) dignissima Cælo
(Mole tuâ premere, dum etiam grauis) abstulit orbi.*

EN PARCAE LEX INVENIT. Cur Gloria in vni

Seruanda, heu, sexus tristi iacet obruta Letho?

Cur tantum potuit? Clausus, vel sponte reclusus

Sufficeret numeros Helicon, te, diua, canenti

Illapsus, fierent meritis longè omnia verba

Inferiora tuis (concede, imitabor amorem

Regibus, ab, rarum in vates) Fallacibus aula

Donasti fumis saturum, non parca roganti,

Hactenus ancipitis iactatus turbine sortis,

Quo viuo. Donum esse tuum, si voce neg'ro,

Quo, mea pauperies ne in lucem prodeat, ornor,

Ingratum in Dominam, precor, in me terra debiscat.

Grati animi liceat lachrymas adiungere pignus.

Iudicium ó Mortis reprobum, longissima auaris

Concedi vitam, sed raro ad publica Reges

Commoda prognatos vnaquam canescere seræ

Curriculo lucis: sic Mors rapit optima quæque.

Aut Deus est, hominum qui Sceptra fauentia rebus

Inuidet, ut cupidus, queis terra indigna fruisce:

Aut reprobis pertæsa soli, pertæsa malorum,

Qu'imprimùm hinc patrium Probitas affectat Olympum.

CARA DEIS ANIMA, atque VIRO, te Numina iniquis

Non suère diu vestigia figere terris.

Candida OVIS, Fidei quam labes nulla notabat,

DIGNA POLO, indigne O miseris lux perdita EGENIS,

Lux inserta Deis. Non victa potentia fati, AT

Integra

INTEGRA te VIRTUS cognata ad limina Caeli
EVEXIT; mortalis adhuc quò mente præisti.

His quoties precibus tu magnum aggressa Tonantem:
Extorrem Patriæ redde ô, Pater alme, quietis
Optatæquæ diu ne differ vota. Precantem
Audijt Omnipotens, teneræ (HEI) filumquæ iuventæ
Abrumpens citiùs, captam nil seculi amore,
Vnde erat orta, Animam Superùm renocavit ad aulam.

Ter felix Puer, ô, tali Genitrice! Parentis
Vitæ insiste animo, studeasquæ æquare merendo.

Huius ego voluens transmissos tempore mores,
Semideos video tales in amore fuisse
Christigenas, irata priùs quam Vingo scelestis
Eucharis, his cecidit terris, Cælumq; petiuit.
Celsa licet, tali Probitati addicta tenore, ut
Plebæis, quibus extiterat sua origine virtus
Clarior, abscondens tenebrose exordia vitæ,
Matris non Domina ritu sit visa favere.
Nam (veluti solis laudant à frugibus agros
Agricolæ) decus à soli virtute petebat.

Curæ egopars fueram: nunc heu) quæcumq; vigente
Spes viguere mihi, Domina cecidere cadente.
Quòd si quæ superat, Patris inclinata recumbit
Munificam in dextram; Phæbo Phæbiq; ministris
Qui se non durum naturâ ostendere gaudet.

Aucta polo, Mundi iam tuto despicias omnem
Fucatam speciem: Salve atq; vale, inclita luctu
Sceptrigeri. Charæ non gratam in funere vitam

Illo tuo trahit amissam: tamen inter Amorem
Constantem & Luctum, gaudet tua reddita Cælo
Pectora, dehinc curæ ne quicquam obnoxia amaræ,
Felix morte IACES! (cineres sine nomine mutos
Alloquor) excelsis non Scepbris Sceptra videbis
Reddenda, aut auctos surgentis seculi honores:
At neq; tu chari curâ afficere mariti;
Curæ expers, securametis, securam laboris,
(Immunis nunquam his terrena potentia Regum)
Nec cernes seui molimina surgere Martis;
Ferreæ secla quibus multo leuiora videbant.

Sed Genitrix tua me, & tristissima mentio fati
Sat tenuit: rursus dicta intermissa resumo.

Auspicijs Cæli Princeps feliciter orate,
Vive diu Sophiæ & sanctæ Pietatis amicus;
Imperium ut Genitor, prius hunc Cælestia Olympo
Numina quàm donent, sero saturatus ab æuo,
Iniungat; rerum dum sponte imponet habenas,
Post nomen Regnis partum communibus ausis.

Interea, minor, Aonijs accedito ad undas:

Incipe, primitiis linguæq; elementa Latinæ
Edoctus, manibus numerosâ sorte iacentes
Delicias Patris, Patris tractare libellos,
Et voces geminando tuos recreare magistros.
Tempus erit quando (lucem tibi fata secundent!)
Accipies quod quisq; nouo mandauerit æuo,
Quicquid Socraticæ docuerunt ordine chartæ,
Quicquid Democritus risit, docuitq; silendo

Pythagoras: quid dñs velint præcepta Platonis,
Quid Stagyrîtæi monitus: quis limes honesti:
Quæ veri sit norma boni: quo fine beati
Efficitur, Cælo qui non conatibus obstat.
Hinc venient latices animum mollire potentes,
Et dare ne te odij species, ne fallat amoris,
Neu sortis te damna magis quàm commoda turgent.


Eia age quod Templis, de te, prædixit Apollo:
Non deerunt Genio summi de sanguine mores.
Hostis enim hæreseos, quæ summa inimico Tonanti,
Postquam fndi didicere Deum, primum incipit atrâ
Nube suæ noctis tenebras offundere mundo.
Tanta boni primis Pietas se ostendit in annis,
Ortu ego quanta nouo diffundo lumina in orbem.

Eia age quod, pro te, Musis promisit Apollo:
Me formante animi motum, me facta docente,
Diuino affectu meritis Regalibus olim
Æterno addictas vos reddet fædere; surget
Vnde pia, eximias sparsura in secula Laudes,
Fama: ut subdubitem maiorne hoc Gloria pacto
Speranda, an maior de Martis amore virescet.
Hoc sub calcata, quas proterit ambitus, artes
Surgent: dignus erit de quo, cùm Pallas Olympo
Spectabit, dicat: Sic sic, de Regibus, iste
Adsimilat, sic atq; refert me Numine, ut illi
Conueniam. Nobis idem consensus utrinque
Est prorsus, seu quando acies atq; arma mouenda,
Seu iuuat torrenti à bello, partisq; trophæis,

Mollius ingenij pacisque incumbere in artes.

*Cynthiae hæc Aris, pro te, Musisque spondit;
Nec prohibet nostris longo transmittier ævo
Carminibus. PRINCEPS, peregrini adsurgito vatis
Auspicijs (tantum est mihi quæ nunc verba ministrat
INDOLES) his olim Magno maiora canemus.*

FINIS.



AD EVNDEM SERENISSIMVM PRINCIPEM.

Xenium.

WLADISLAVS PRINCEPS

Per Anagramma :

PARVVLVS DIIS PLACENS.

Quid tibi vis optem, PRINCEPS? (violasse vetustum
Ne videar morem) Vix superesse locum at
Hîc video votis: tibi Numina summa dederunt
Crœsum opibus Patrem, Relligione Numam:
Tuq; PLACES DIVIS, capturus, PARVLE, ab illis
Magnanimis, olim, ditia Regna viris.
Interea hoc (opto) Nomen vertatur in Omen,
Perpetuùm magnis posse Placere Deis.
Cresce Puer, priscolq; refer virtute Quirites,
Et quos miratur Martia Roma Duces!
Sint famulæ Parcæ: peragat tua iussa Gradivus,
Inq; Gigantæum porrigat arma gregem!
Sit præsens Numen; lædat ne robur apertè;
Ne scelus, occultâ quod ferit arte, petat.
Viue Puer, Regesq; æquâ successibus altos;
Æternum Factis & mereâre Decus.
Viue Puer, maturis completurus in annis,
Quæ canit (en per me) dius Apollo Tibi.

Ipsè

Ipse deus, diuæq; nouem tua Regna frequentent?

Virtuti testes turba futura tuæ.

Scilicet vt, cū Corpore abibis, Facta supersint;

Quēis homo mansurus post rediuius humum **es.**

Sic celsō Heroæ perfunctus munere vitæ,

Perpetuum, verso corpore, Numen ages.



